



АКАФИСТ

**СВЯТОМУ ВЕЛИКОМУЧЕНИКУ
И ЦЕЛИТЕЛЮ
ПАНТЕЛЕИМОНУ**



Тропарь, глас 3

Страстотѣрпче святѣй и целѣбниче
Пантелеймоне,/ моли Милостивого
Бога,/ да прегрешений оставление//
подаст душам нашим.

Кондак, глас 5

Подражатель сый Милостиваго,/ и
исцелений благодать от Него прием,/
страстотѣрпче и мучениче Христа
Бога,/ молитвами твоими душевныя
наша недуги исцели,/ отгоня' присно
борца соблазны от вопиющих верно://
спаси ны, Господи.



Акафист СВЯТОМУ ВЕЛИКОМУЧЕНИКУ И ЦЕЛИТЕЛЮ ПАНТЕЛЕЙМОНУ

Кондак 1

Избранный страсотёрпче Христов
и врачу́ благодáтный, туне подайя
недугующим исцеления, пёсньми
восхваляём тя, заступника нашего. Ты
же, яко имейя дерзновение ко Господу,
от всяких бед и болёзней свободдай
нас, любóвию тебе зовущих:

Рáдуйся, великомучениче и целите-
лю Пантелеймоне.

Икос 1

А́нгела земнаго и небёснаго чело-
вёка вёмы тя, сла́вный Пантелеймоне:



а́нгельскою бо непоро́чностью и му́ченичеством укра́шен, пресели́лся еси́ от земли́ на Не́бо, иде́же со А́нгелы и все́ми святы́ми предсто́я Престо́лу Го́спода сла́вы, моли́ся о нас, земны́х, почита́ющих тя зва́нии си́ми:

**Ра́дуйся, све́тлосте благоче́стия;
ра́дуйся, пресла́вный свети́льниче
Це́ркви.**

**Ра́дуйся, му́чеников пречестны́х
украше́ние; ра́дуйся, ве́рных в непо-
колеби́мом терпе́нии утвержде́ние.**

**Ра́дуйся, юности́ преизря́дная похва-
ло́; ра́дуйся, побо́рниче Христо́в,
в му́жестве неодоле́нный.**

**Ра́дуйся, произра́стший в ми́ре,
преми́рен явivýйся; ра́дуйся, а́нгеле
во плоти́, превосходя́й сме́ртных.**

**Ра́дуйся, небожи́телю всебла-
же́нный; ра́дуйся, Божество́ннаго
ра́зума вме́стилище.**



**Ра́дуйся, їмже ве́ра возві́сися;
ра́дуйся, їмже преле́сть низложі́ся.**

**Ра́дуйся, великомучениче и целіте-
лю Пантелеїмоне.**

Кондак 2

**Ви́дя тя Влады́ка сосу́д избра́н,
возлюбі́ душі́ твоея́ до́броту. Ты
бо земну́ю всяку́ю сла́дость и сла́ву
презрэ́в, венце́м мученическим возже-
ле́л еси́ украсі́тися, уяз́влен Боже́-
ственною любо́вию и вдохнове́нно поя́:
Аллилу́иа.**

Икос 2

**Ра́зум богодухнове́н име́я, о до́блій
воі́телю Пантелеїмоне, изумі́л еси́
царя́ Макси́миана му́жеством душі́
твоея́ и словесы́, їмиже дерзнове́нно
пропове́дал еси́ Христа́. Те́мже, похва-
ляю́ще дерзнове́ние твоё, глаго́лем ти
си́це:**



Ра́дуйся, угро́зы Макси́миана презре́вый; ра́дуйся, сове́том нечести́вых не покори́выйся.

Ра́дуйся, насажде́ние и́стиннаго богопочита́ния; ра́дуйся, искоре́ние де́монскаго служе́ния.

Ра́дуйся, неисто́вства мучи́телей изобличи́телю; ра́дуйся, и́дольския преле́сти низложи́телю.

Ра́дуйся, разгна́вый нечести́вых собо́рища; ра́дуйся, пременя́вый тле́нная на Небе́сная.

Ра́дуйся, собесе́днице невеще́ственных А́нгелов; ра́дуйся, сликовствова́телю многострада́льных святи́х.

Ра́дуйся, и́мже сатана́ посрами́ся; ра́дуйся, и́мже Христо́с просла́вился.

Ра́дуйся, великомучени́че и целите́лю Пантелеимо́не.



Кондак 3

Силою Вѣшняго, дарованною тебѣ,
и крѣпким терпѣнием твоим обезсилит
еси мучителеву дерзость, муже-
ственный победоносче. Огня, зверей,
колеса не убоявсь и мечем усечен
во главу, венец победы приял еси от
Христа Бога, взывая Ему: Аллилуиа.

Икос 3

Имуще обитель твоя вседрагую
главу твою, богомудрый страсотерпче,
яко превеликое сокровище, радости
исполняется о сем и, любовьию воспе-
вающе данную тебѣ от Бога благодать
исцелений, благодарно зовѣт ти:

Радуйся, Никомидии светильниче
всесветлый; радуйся, чтущей тя
обители страже неусыпный.

Радуйся, имже охладѣ безбожие;
радуйся, имже возрастѣ богопо-
знание.



**Ра́дуйся, свѣтлая страсотѣрпцев
сла́во; ра́дуйся, ра́достное право-
сла́вных слы́шание.**

**Ра́дуйся, исцелѣний благодѣтны́й
источниче; ра́дуйся, дарова́ний
вели́ких вмести́лице.**

**Ра́дуйся, благово́нное ми́ро, облаго-
уха́ющее ду́ши; ра́дуйся, я́ко помо-
га́еши призыва́ющим тя.**

**Ра́дуйся, слепы́м зрѣние дарова́вый;
ра́дуйся, хромы́м благоше́ствие
устрои́вый.**

**Ра́дуйся, великомучениче и целите-
лю Пантелеймоне.**

Кондак 4

**Бу́рею помышлѣний многобо́жия
одержим, нечестивы́й царь смуті́ся,
увідев от завиствовавших тебѣ враче́в,
я́ко всякія неисцѣльныя недуги
цели́ши ты і́менем Христа́. Мы же,**



с весéлием слáвляще дíвнаго в тебé
Бóга, вопиём Емú: Аллилúиа.

Икос 4

Слýшавше никомидйíстии лю́дие
о вели́ком сострада́нии твоём к стра́-
ждающим и о безме́здном врачевáнии
от вся́ких болéзней, устремíшася вси
к тебé с véрою во врачúющую благо-
да́ть, в тебé сýщую, и приёмлюще
скóрая исцелéния от вся́ких болéзней,
прославля́ху Бóга и тебé велича́ху,
всеми́лостиваго целíтеля своегó,
зовúще ти:

Ра́дуйся, пома́занный ми́ром благо-
да́ти; ра́дуйся, хра́ме Бóга освя-
щённый.

Ра́дуйся, вели́кая благочестíвых
сла́во; ра́дуйся, твёрдая озлобля-
емых стенó.

Ра́дуйся, мúдрых превосходяй



**ра́зумом; ра́дуйся, ве́рных осиява́яй
мы́сли.**

**Ра́дуйся, Боже́ственных даро́в прия́-
телище и многообра́зных нам ми́ло-
стей Госпо́дних исто́чнице; ра́дуйся,
ско́рый помо́щнице стра́ждущим.**

**Ра́дуйся, обурева́емых приста́нище;
ра́дуйся, заблúждших наста́вниче.**

**Ра́дуйся, боля́щих ту́не врачу́яй;
ра́дуйся, обильно исцелéния исто-
ча́яй.**

**Ра́дуйся, великомúчениче и целите́-
лю Пантелеймоне.**

Кондак 5

**Чúдо пресла́вное сотвори́ с тобо́ю
Госпо́дь, егда́ чрез служи́теля Своего́
Ермола́я призва́ тя в чúдный Сво́й свет.
Ехидною бо ве́лиею угрызéно умéршее
отроча́ по моли́тве твоéй ко Христу́
а́бие оживé и воста́ здра́во. Позна́в**



убо Жизнода́вца всех и́стиннаго Б́ога,
с твёрдою вѣрою воззв́ал еси́ Е́му:
Аллилу́иа.

Икос 5

Узрѣ свет слепы́й, е́муже с призыва́-
нием и́мене Христо́ва прикосну́лся еси́
ты, сла́вне. Ермола́ем бо пресви́тером
просвещѣн, отрину́в отѣческое много-
бо́жие, восприя́л еси́ ма́тернее благоче́-
стие, и́мже и отца́ просвети́л еси́. Сего́
ра́ди тебѣ, сла́вному уго́днику Б́ожию
и чу́дному врачу́, взыва́ем:

Ра́дуйся, к Б́огу вѣлие рачѣние
имѣяй; ра́дуйся, присногоря́щий
огню́ Божѣственныя любвѣ.

Ра́дуйся, дѣятельный послу́шателю
священны́х поучѣний Ермола́я;
ра́дуйся, последова́вый сове́там
ма́тере твоя́ Евву́лы.

Ра́дуйся, я́ко вся разда́л еси́, да
Христа́ приобрета́еши; ра́дуйся,



любо́вь к ми́ру любо́вию Бо́жиею победíвый.

Ра́дуйся, я́ко вмéсто слáдких ми́ра за Христá лю́тая страдáния прия́л еси́; ра́дуйся, я́ко о́бщник сотвори́лся еси́ Страстéм Христóвым.

Ра́дуйся, восторжествова́вый над все́ми страстьми́; ра́дуйся, украси́-выйся благодáтным безстра́тием.

Ра́дуйся, исполняя́й ра́дости притека́ющия к тебе́; ра́дуйся, ту́не исцеля́й всех благодáтию Христóвою.

Ра́дуйся, великомучениче и целите́лю Пантелеймоне.

Кондак 6

Проповéдник истины яв́ися просвещéнный тобо́ю телéсне и душéвне слепéц; подобно́ бо ева́нгельскому слепцу́, дерзнове́нно пред все́ми испове́да Сvéта Ёстиннаго Христá, просве-



щающа всякаго человека, нечестиваго же царя и бѣги язЫческія укорѣв, чрез мѣчное усечѣніе взЫде к немерцающему свѣту на Небесѣхъ пѣти Бѣгу: Аллилуїа.

Икосъ 6

Со свѣтлымъ лицемъ предстѣвъ судѣлицѣ цареву, дерзновенно взывалъ еси, преблаженне, во услышаніе всехъ: «Всецѣлебная сила моя и слава — Христосъ есть, Истинный Богъ, Владыка всехъ, мертвыя воскрешая и всякъ недугъ отгоняя». За такое исповѣданіе ублажающе тя, глаголемъ:

Радуйся, уста громогласная Божества Христова; радуйся, языке медоточный, вещая Его домостроительство.

Радуйся, ветіе превысшаго богословія; радуйся, сеятелю мудрый благочестія.



Ра́дуйся, сладкозвúчная вéры свирéль; ра́дуйся, сла́вный проповéднице Правосла́вия.

Ра́дуйся, прéжде смéрти явívый дívная; ра́дуйся, по смéрти соверша́яй чúдная.

Ра́дуйся, зрítелю сла́вы Христóвой; ра́дуйся, послу́шателю моля́щихся тебе́.

Ра́дуйся, подáтелю мýлости тоя́ трéбующим; ра́дуйся, ходáтаю благ почита́ющим пáмять твою́.

Ра́дуйся, великомúчениче и целíteлю Пантелеíмоне.

Кондак 7

Мíро излия́ся на дýшу твою́, богомúдрый целéбниче, от Утéшителя Дýха; тёмже по смéрти честнýя остáнки твоя́, благоухáнием сво́им страстéй злосмра́дие отгоня́я, исцелéние подаю́т



вопиющим верою Богу: Аллилуиа.

Икос 7

Егда узреша идольстии чтители
многолетна разслабленна, молитвою
твоёю, святе, воздвигнута и ходяща,
мнози увероваша во Христа; жрецы же
бесовстии, завистию снедаеми, подви-
гоша царя на ярость. Тебе убо нещадно
за Христа стружему и опаляему бывшу,
со умилением зовем:

Радуйся, наслаждения земная през-
ревый; радуйся, благ вещественных
превысший.

Радуйся, яко вся красная мира сего
ни во что же вменил еси; радуйся,
яко славу скоротекущую с себе
отрясл еси.

Радуйся, неуловим пребывый лов-
лении велиара; радуйся, победивый
мучителей коварства.



**Ра́дуйся, не пощади́вый за Христа́
жи́зни своея́; ра́дуйся, враг яви́-
выйся вражде́бныя плóти.**

**Ра́дуйся, многобо́жия широту́ утес-
ни́вый; ра́дуйся, Божéственною
си́лою и́долы попра́вый.**

**Ра́дуйся, острéйшая стрелó, язвля́щая
враги́; ра́дуйся, предста́телю, засту-
па́яй véрующия.**

**Ра́дуйся, великомучениче и целите-
лю Пантелеймоне.**

Кондак 8

**Странноле́пно явля́шеся тебé
Госпо́дь, ободря́я и соблюда́я в мучé-
ниих за и́мя Его́: во óбразе бо пресви́тера
Ермола́я, клокóчущее óлово, в не́же
ввёржен был еси́, охладí, и в мо́ри
отрешíв véлий ка́мень от в́ии твоея́,
изведé невреждéнна на зéмлю. Ты же,
па́ки предста́в пред царя́, торжéственне
пел еси́ Христу́ Бо́гу: Аллилу́иа.**



Икос 8

Весь умне на Небесі водворяяся,
и нїзу на землі сущих не оставляеши,
сопребыва́я с нами всечестно́ю главо́ю
твоею, вели́кий страсотерпче Христов,
прие́мля от Го́спода и пода́я просве-
ще́ние и освяще́ние вопиющим тебе́
тако́вая:

Ра́дуйся, премудрости Божé-
ственныя испóлненный; ра́дуйся,
промышлénия Бóжия о нас тайн-
ниче.

Ра́дуйся, богомудренных умóв усла-
ждéние; ра́дуйся, боголюбívых душ
увеселéние.

Ра́дуйся, пресвётлый Христов
бисере; ра́дуйся, освящённый душе́ю
и тéлом.

Ра́дуйся, во двóрех перворождéнных
на Небесі вселívыйся; ра́дуйся,
в присноблажéнных обитáйя



черто́зех.

**Ра́дуйся, све́та Тро́ического зрíteлю;
ра́дуйся, в моли́твах к Бо́гу тёплый
о нас предста́телю.**

**Ра́дуйся, просвещéние душáм пода-
ва́яй; ра́дуйся, скорбя́щим утешéние
ниспосыла́яй.**

**Ра́дуйся, великомúчениче и целíteлю
Пантеле́имоне.**

Кондак 9

**Всякое естество́ удиви́ся, Пантеле́й-
моне, сия́нию в тебé благодáти и богáт-
ству добродéтелей, ангелоподóбней
чистотé твоéй, вели́кому мúжеству
в лю́тых страдáниях, крéпкой любви́
ко Христú и мно́гому сострадáнию
к лю́дем, в нíхже твори́ши преслáвная,
во éже пéти: Аллилу́иа.**



Икос 9

Ветія многовещанная не возмогут по достоянію восхваліти боренія твоя, сла́вный добропобѣдниче, како непобѣдимою сілою Божіею юный лѣты победі дръвняго и исконнаго врага и посрамі ідольскую прелесть. Мы же, удивленія исполненни, зовѣм ти:

Радуйся, радостное зрѣлище Ангелов; радуйся, благоговѣйное удивленіе человеков.

Радуйся, кровь за Христа изли́явый и в смѣрти млекó источі́вый; радуйся, тѣло за Него́ мученической смѣрти преда́вый.

Радуйся, исповѣдничества правило; радуйся, до́блий во́ине Царя́ царей.

Радуйся, тьмы державца победі́вый; радуйся, побѣдою твоѣю Небѣсных и земныхъ обвеселі́вый.



Ра́дуйся, го́рняго ми́ра обита́телю
блаже́нный; ра́дуйся, до́льняго ми́ра
му́дрый стра́нниче.

Ра́дуйся, дре́во, укра́шенное
плода́ми благода́тных дарова́ний;
ра́дуйся, нося́й добропобе́дныя
ве́тви.

Ра́дуйся, великому́чениче и целите́-
лю Пантеле́имоне.

Кондак 10

Соста́дания испо́лнен, я́ко
и́стинный подража́тель Подате́ля
ми́лости Го́спода, честный страда́льче,
Пантеле́ймоном (си есть, всеми́ло-
стивым) от Не́го преимено́ван еси́,
на вся притека́ющия к тебе́ ми́лость
излива́я, ю́же и нам неоску́дно источа́й,
о тебе́ вопи́ющим Бо́гу: Аллилу́иа.



Икос 10

Стѣну ты твёрду обрѣт мучитель,
никѣими же мѹками победѣму, поку-
сѣя сокрушѣти крѣпость твою' зѹбы
зверѣй и остриями мучѣлищнаго
колеса, обаче и в сем ничтѣже успѣ, сила
бо Христова лютость зверѣй укротѣ,
а страшное кѣло, на нѣмже обращаемо
бе тѣло твоѣ, абие сокрушѣся. Тебѣ ѹбо
непобѣдѣмому стратотѣрпцу, зовѣм:

Радуйся, честное Христово избрание;
радуйся, непорѣчное Бѣгови благоу-
хание.

Радуйся, твёрдый адаманте Цѣркве;
радуйся, непоколебѣмый стѣлпе,
досязаяй до Небесѣ.

Радуйся, звѣри вѣдимыя укрощаяй;
радуйся, дракѣнов невѣдимых
сокрушаяй.

Радуйся, обagrенный твоѣю за



**Христá крѳвию, срастворѳнною
млекѳм; рáдуйся, неувядáемая
приѳмый венцы.**

**Рáдуйся, рáдость причинѳвый Áнге-
лом и челѳвѳком; рáдуйся, про-
слáвленный Бѳгом на Небесѳ и на
землѳ.**

**Рáдуйся, небожѳтелю, ликовствуѳй
с мѳченики; рáдуйся, насыщáйся
лицезрѳнием Христá преслáдким.**

**Рáдуйся, великомѳчениче и целѳте-
лю Пантелеѳмоне.**

Кондак 11

**Песнь исходную принѳсим твоѳму
за Христá заколѳнию свящѳнному,
в нѳмже вмѳсте с крѳвию млекѳ истечѳ
от тебѳ, великомѳчениче, и мáсли-
чина, под нѳюже усечѳн был есѳ,
испѳлнися вся целѳительных плодѳв.
Тѳмже Христѳ, дѳвно прославляѳщему**



сла́влящія Егó, тёпле вопиём: Аллилу́иа.

Икос 11

Светозáрная луча́ был еси́, бого-
мúдре, во тьме многобóжия сидя́щим,
путеводя́щая к Сóлнцу Пра́вды Христу́
Бо́гу, Емúже моли́ся, во свёте за́поведей
Егó прíсно пребыва́ти и нам, сицевáя
ра́достная тебé принося́щим:

Ра́дуйся, пресвётлая звездó, на
мýсленной твёрди блиста́ющая;
ра́дуйся, лучé, христоименíтым
люде́м светя́щая.

Ра́дуйся, та́инственно облиста-
ва́емый от Сóлнца Христа́; ра́дуйся,
úмне зéмлю обтека́й.

Ра́дуйся, селéние крáсное Пресвя-
та́го Дúха; ра́дуйся, сосúде пречест-
нýй, излива́й исцелéния.

Ра́дуйся, чистоты́ сокрови́ще;
ра́дуйся, мýлости тезоименíte.



**Ра́дуйся, Ца́рствия Небе́снаго
насле́днице; ра́дуйся, ве́чныя сла́вы
соприча́стнице.**

**Ра́дуйся, предста́телю бе́дству-
ющим в мо́ри житей́stem; ра́дуйся,
безсрэ́бреннице, помога́й призы-
ва́ющим тя с ве́рою.**

**Ра́дуйся, великомучени́че и целите́-
лю Пантелеи́моне.**

Кондак 12

**Благода́ти оби́лие прия́л еси́,
треблаже́нне, по оби́лию любве́ твоея́
ко Христу́ Бо́гу. Иже и яви́ ты много-
целе́бным исто́чником, безме́дно
врачу́ющим душе́вныя и телесныя
болёзны притека́ющих к тебе́ с ве́рою
и Бо́гу вопию́щих: Аллилу́иа.**

Икос 12

**Пою́ще многострада́льныя по́двиги
твоя́ за Христа́, сла́вный страсоте́рпче,**



хв́алим долготерпéние твоé, ублажа́ем
мúченическую конч́ину, почита́ем
и священную пáмять твою́, застúпниче
наш и целíteлю, и в похвалú сицева́я
тебé зовéм:

Ра́дуйся, благочéстия трубó благо-
звúчная; ра́дуйся, мечú, посека́яй
нечéстие.

Ра́дуйся, строгáнный на дрéве за
распростéршаго рúце Сво́й на дрéве
Крéстнем; ра́дуйся, я́ко опаля́ем за
Него́, прéлести пещь погасíл еси́.

Ра́дуйся, язвами тво́ими врагí
уязв́ивый; ра́дуйся, крóвию твоéю
то́ки íдольския крóве изсуши́вый.

Ра́дуйся, в кипя́щее о́лово ввэ́р-
женный за Христа́; ра́дуйся, погру-
жéнный за Ё́мя Его́ в вода́х морских.

Ра́дуйся, промы́шлением Бóжиим
невреждéн в сих преб́ивый; ра́дуйся,



яко чрез огонь и воду мучений вшел еси в покой Небесный.

Радуйся, изливая неизсякаемая струи милости верным; радуйся, благосострадательный врачу, исцеления благодатная подавая.

Радуйся, великомучениче и целителю Пантелеймоне.

Кондак 13

О многострадальный и предивный страсотерпче Христов и целителю наш Пантелеймоне! Милостиво прием сие малое от нас приношение, от многообразных недугов исцели ны и предстательством твоим сохрани от враг видимых и невидимых и вечнаго мучения избавитися нам Господа умоли, да во Царствии Его вину воспоем: Аллилуиа.

Этот кондак читается трижды.



Икос 1

А́нгела земна́го и небéснаго чело-
в́ека вéмы тя, сла́вный Пантеле́имоне:
а́нгельскою бо непоро́чностью и муче-
ничеством укра́шен, преселіся еси́
от земли́ на Не́бо, иде́же со А́нгелы
и все́ми святы́ми предстоя́ Престо́лу
Го́спода сла́вы, моли́ся о нас, земных,
почита́ющих тя зва́нии сіми:

Ра́дуйся, свѣтлосте благоче́стия;
ра́дуйся, пресла́вный свети́льниче
Цѣркви.

Ра́дуйся, мучеников пречестных
украше́ние; ра́дуйся, вѣрных в непо-
колебимом терпѣнии утвержде́ние.

Ра́дуйся, юности преизрядная
похвало́; ра́дуйся, побóрниче
Христов, в мѹжестве неодоле́нный.

Ра́дуйся, произра́стший в ми́ре,
преми́рен явѣвыйся; ра́дуйся, а́нгеле



во плóти, превосходяй смёртных.

Рáдуйся, небожителю всебла-
жённый; рáдуйся, Божéственнаго
рáзума вместíлище.

Рáдуйся, íмже véра возв́исися;
рáдуйся, íмже прéлесть низлож́ися.

Рáдуйся, великомúчениче и целíte-
лю Пантелеймоне.

Кондак 1

Избрáнный страсотёрпче Христóв
и врачú благодáтный, тúне подаяй
недúгующим исцелéния, пёсньми
восхваляём тя, застúпника нáшего. Ты
же, я́ко имéяй дерзновéние ко Гóсподу,
от вся́ких бед и болéзней свобожда́й
нас, любóвию тебе́ зовúщих:

Рáдуйся, великомúчениче и целíte-
лю Пантелеймоне.



Молитва

О великий Христов угодниче и преславный целбниче, великомучениче Пантелеимоне! Душею на Небеси Престо́лу Божію предстояй и Трипостасныя Его́ славы наслажда́йся, телом же и ли́ком святы́м на землі в Божественных хра́мах почива́яй и да́нную ти свы́ше благода́тию различная чудеса́ источа́яй, прі́зри мѣлостивным твоѣ́м о́ком на предстоя́щия лю́ди, честне́й твоѣ́й ико́не уми́льно моля́щияся и прося́щия от тебѣ́ целбныя по́мощи и заступле́ния: простри́ ко Го́споду Бо́гу на́шему те́плыя твоя́ моли́твы и испроси́ душам на́шим оставле́ние согреше́ний. Се бо мы, за беззако́ния на́ша не сме́юще возвести́ очеса́ на́ша к высоте́ небесней, ниже́ вознести́ глас моле́бный к Его́ в Божестве́ непристу́пней сла́ве, се́рдцем сокруше́нным



и дѹхом смиреннѹм тебѣ, ходатая милостива ко Владѣице и молитвенника за ны, грѣшныя (имена), призываем, яко ты приял еси благодать от Него недуги отгоняти и страсти исцеляти. Тебѣ ѹбо прѣсим: не презри нас, недостѹйных, молящихся тебѣ и твоя помощи требующих. Буди нам в печалех утѣшитель, в недѹзех лютых страждущим врач, напастуемым скорый покровитель, очесѣм недугующим прозрѣния датель, ссѹщим и младенцем в болѣзнях готовѣйший предстатель и исцелитель. Исходатайствуй всем вся, яже ко спасѣнию полѣзная, яко да твоими ко Господу Бѹгу молитвами получивше благодать и милость, прославим всех благих Источника и Дароподателя Бѹга, Единаго в Троице Святѣй слави маго Отца и Сына и Святаго Дѹха ныне и присно и во веки веков. Аминь.



Величание

**Велича́ем ты, святы́й
великомучениче Пантелеймоне,
и чтим честна́я страда́ния тво́я,
яже за Христа́ претерпе́л еси́.**



Расписание чтения акафистов

	2:00, 8:00, 14:00, 20:00	Михаилу Архангелу
ПН	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
	<hr/>	
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
<hr/>		
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
<hr/>		
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
<hr/>		
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
<hr/>		
СБ	2:00, 8:00, 14:00, 20:00	вмч. и целителю Пантелеимону ←
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская»
<hr/>		
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё